

榆社縣志卷七

典禮志

慶賀

萬壽聖旦及元旦長至節昧爽知縣率僚屬具朝服詣行宮序立丹墀下排班班齊北向

龍牌前行三跪九叩首禮畢分東西班坐朝畢作樂演劇鄉宦紳耆以次叩祝禮畢

開讀

詔旨至知縣穿朝服率僚屬具龍亭儀仗鼓樂出城東望

京門跪迎於郊外導至縣堂設香案具庭燎行三跪九叩
首禮詣受

詔位跪受

詔平身捧

詔與齋長齋長跪接起立捧至露臺開讀衆官跪聽畢復
行三跪九叩首禮齋長捧

詔與知縣跪接平身捧至內署設香案珍藏

祭祀

文廟每春秋仲月上丁日致祭先一日知縣公服至文廟

殿前揖詣領牲所領牲畢揖回署祭日正殿陳牛一羊一
豕一四配各陳羊一豕一兩序各陳羊一豕一兩廡各陳
羊一豕一崇聖祠正位陳羊一豕一各香案設籩豆簠簋
子夜先祭崇聖祠行二跪六叩首禮飲福無樂章餘同正
殿讀祝曰維年月日某官致祭於肇聖王本金父公裕聖
王肅父公詒聖王防叔公昌聖王伯夏公啟聖王叔梁公
曰惟王奕葉鍾祥光開聖緒燕天昌後尼山之道統常昭
率本循源守土之明禋宜肅茲值仲春秋聿修祀事配以先
賢孔氏先賢顏氏先賢曾氏先賢孔氏先賢孟氏尙饗是

日昧爽鼓初嚴徧燎庭燎焚香鼓再嚴執事者各序立鼓
三嚴引贊引各官至戟門下立通贊贊司事者各司其事
糾儀生就位樂舞生就位陪祭官各就位承祭官就位瘞
毛血迎神堂下樂作舞興奏咸平之章曰大哉孔子先覺
先知與天地參萬世之師祥徵麟綬韻答金絲日月既揭
乾坤清夷奏畢行三跪九叩首禮奠帛行初獻禮樂奏衛
平之章曰予懷明德玉振金聲生民未有展也大成俎豆
千古春秋上下清酒既載其香始升奏畢引贊引承祭官
詣盥洗所司事者酌水進巾詣酒尊所司尊者舉爵酌酒

詣

至聖先師孔子神位前跪獻帛初獻爵叩首興平身詣復
聖顏子神位前跪獻帛初獻爵叩首興平身詣宗聖曾子
神位前跪獻帛初獻爵叩首興平身詣述聖子思子神位
前跪獻帛初獻爵叩首興平身詣亞聖孟子神位前跪獻
帛初獻爵叩首興平身詣讀祝位跪衆官皆跪讀祝文曰
維年月日某官致祭於

至聖先師孔子曰維先師德隆千古道冠百王揭日月以
常新自生民而未有屬文教昌明之會正禮樂節和之時

辟雍鐘鼓咸格薦於馨香泮水膠庠益致嚴於遵豆茲當

仲春秋祇率彝章肅展微忱聿將祀典以復聖顏子宗聖曾

子述聖子思子亞聖孟子配尚饗讀畢叩首興平身復位

引贊各引分獻官詣先哲神位前跪奠帛獻爵又詣兩廡

神位前跪奠帛獻爵畢各復位行亞獻禮樂奏安平之章

曰式禮莫愆升堂再獻響協鼓鏞誠孚臚廡肅肅雍雍舉

髦斯彥禮陶樂淑相觀而善奏畢引贊引承祭官詣神位

前儀如初獻不奠帛復位行終獻禮樂奏景平之章曰自

古在昔先民有作皮弁祭菜於論思樂惟天牖民惟聖時

若彝倫攸叙至今木鐸奏畢引贊引承祭官詣神位前儀
如亞獻復位引贊引承祭官詣飲福受胙位跪飲福酒受
福胙三叩首興平身復位撤饌樂奏咸平之章曰先師有
言祭則受福四海饗宮疇敢不肅禮成告撤毋疏毋

讀樂
所由

生中原有菽送神樂奏咸平之章曰鳧繹戕戕洙泗泮泮
景行行止流澤無疆聿昭祀事祀事孔明化我蒸民育我
膠庠奏畢行三跪九叩首禮畢讀祝者捧祝奠帛者捧帛
各供燎所詣望燎所焚祝帛揖禮畢同日祭奎光樓行二
跪三叩首禮祭文昌閣忠義祠節孝祠用羊豕帛各一詣

祝文祭名宦祠鄉賢祠三立祠朱公祠杜公祠行一跪三叩首禮

開帝廟雍正三年奉文每歲春秋仲月頒期並五月十三日致祭咸豐三年奉文升入中祀樂用六成舞用八佾祭之先一日知縣公服至

開帝廟殿前揖詣領牲所領牲畢揖回署祭日正殿陳牛一羊一豕一後殿陳羊三豕三遵豆具備子夜先祭後殿行二跪六叩首禮飲福不用樂餘同正殿讀祝日維年月日某官致祭於

開帝之曾祖光昭王祖裕昌王父成忠王曰惟王世澤貽
庥靈源積慶德能昌後篤生神武之英善則歸親宜享尊
崇之報列上公之封爵錫命優隆合三世以肇禋典章明
備恭逢諏吉祇事薦馨尚饗是日昧爽鼓初嚴然庭燎焚
香鼓再嚴執事者各序立鼓三嚴引贊引各官至階墀下
立通贊贊司事者各司其事糾儀生就位樂舞生就位陪
祭官各就位承祭官就位瘞毛血迎神樂奏格平之章
懿鏢兮焜煌神威靈兮赫八方偉烈昭兮累祺祀事明兮
光達精誠兮黍稷馨香儼如在今洋洋奏畢行三跪九

叩首禮奠帛行初獻禮樂奏翊平之章曰英風颯兮神格
思紛綺蓋兮龍旗颺桂醑兮盈卮香始升兮明粢惟降鑒
兮在茲流景祚兮翊昌時奏畢引贊引承祭官詣盥洗所
酌水進帟詣酒尊所司尊者舉爵酌酒詣

闕帝神位前跪獻帛初獻爵叩首興平身復位引贊引詣
讀祝位跪衆官皆跪讀祝文曰維年月日某官致祭於

忠義神武仁勇靈祐威顯開聖大帝前曰惟帝浩氣凌霄
丹心貫日扶正統而彰信義威震九州完大節以篤忠貞
名高三國神明如在薦馨香於列朝靈應丕昭徧祠宇於

率土屢徵異績顯佑羣生恭逢嘉辰遵行祀典筵陳邊豆
几奠牲醪尙饗讀畢叩首興平身復位行亞獻禮樂奏恢
平之章曰觴再酌兮告虔舞千戚兮合宮懸歆苾芬兮潔
蠲扇巍顯翼兮神功宣奏畢引贊引承祭官詣神位前儀
如初獻復位終獻禮樂奏靖平之章曰鬱鬱兮三申羅薦
豆兮畢陳儀卒度兮肅明禋神降福兮宜民宜人奏畢引
贊引承祭官詣神位前儀如亞獻復位引贊引承祭官詣
飲福受胙位跪飲福酒受福胙叩首興平身復位撤饌樂
奏彝平之章曰物維備兮咸有明德維馨兮神其受告徹

兮禮終罔咎佑我家邦兮孔厚送神樂奏康平之章曰幢
葆歲穰兮神聿歸馭風軫兮騶虬駢降烟煜兮餘醑醑回
靈盼兮德洽明威焄蒿烈兮燎有輝行三跪九叩首禮興
平身通贊贊讀祝者捧祝奠帛者捧帛各供燎所樂奏康
平之章曰神光遙燭兮祥雲霏祭受福兮茂典無違庶揚
駿烈兮永奠臺嚴奏畢焚祝帛詣望燎所復位禮畢五月
十三日告祭後殿祝文維王迪德承家累仁昌後崧生嶽
降識毓聖之有基本本水源宜推恩之及遠封爵特超於
五等馨香永薦於千秋際仲夏之屆時命禮官而將事惟

祈昭格鑒此精虔告祭正殿祝文維神九宇承庥兩儀金
撰崧生嶽降溯誕聖之靈辰日午天中緇恢台之令序聰
明正直壹者也千秋徵肸釁之隆盛德大業至矣哉六幕
肅馨香之薦爰循懋典式展明禋苾芬時陳精誠鑒格尙
饗餘與春秋二仲祭祀儀注同

文昌廟嘉慶六年奉文列入祀典咸豐六年奉文升入中
祀二月初三日

聖誕照

開帝聖誕禮節春秋二季卜吉舉行先一日知縣公服至

文昌廟殿前揖詣領牲所領牲畢揖回署祭曰正殿陳羊一豕一牛一後殿陳羊一豕一簋豆具備子夜先祭後殿行二跪六叩首禮飲福不用樂餘同正殿讀祝曰維年月日某官致祭於

文昌帝君先代之神曰祭引先河之義禮崇反本之思矧夫世德彌光延賞斯及祥鍾累代炯列宿之精靈化被千秋緯人文之主宰是尊後殿用蒼前庥茲值仲春肅將時

秋

祀用申告潔神其格歆尙饗是日昧爽鼓初嚴然庭燎焚

香鼓再嚴執事者各序立鼓三嚴引贊引各官至階墀下

立通簪贊司事者各司其事糾儀生就位樂舞生就位陪
祭官各就位承祭官就位瘞毛血迎神樂奏不平之章曰
秉氣兮靈囷翊文運兮赫中天蜺旌兮戾止雕俎兮告虔
迓神庥兮於萬斯年奏畢行三跪九叩首禮奠帛行初獻
禮樂奏俶平之章曰神之來兮遵簋式陳神之格兮几筵
式親極昭彰兮靈貺致蠲潔兮明禋升香兮伊始居歆兮
佑我人民引贊引承祭官詣盥洗所司事者酌水進巾詣
酒尊所司尊者舉罍酌酒詣

文昌帝君神位前跪獻帛初獻爵叩首興平身復位引贊

引承祭官詣讀祝位跪衆官皆跪讀祝文曰維年月日某
官致祭於

文昌帝君之神曰惟神蹟著西方垣樞北極六匡麗曜開
昌運之光華累代垂靈爲人文之主宰扶正久彰夫感召

薦馨宜致其尊崇茲值仲

春秋

用昭祀典惟祈歆格鑒此精

虔尙饗讀畢叩首興平身復位行亞獻禮樂奏煥平之章
曰再酌兮瑤觴燦爛兮庭燎之光申虔禱兮神座儼陟降

兮帝旁粢醴潔兮齋潔將緩景運兮靈長奏畢引贊引承
祭官詣神位前儀如初獻復位行終獻禮樂奏煥平之章

日禮成三獻兮樂奏三終覃敷元化兮鑿神功馨香達兮
肸鬻通歆明德兮昭察寅衷奏畢引贊引承祭官詣神位
前儀如亞獻復位引贊引承祭官詣飲福受胙位跪飲福
酒受福肸鬻首興平身復位撤饌樂奏懿平之章曰備物
兮維時告徹兮終禮儀神悅懌兮鑒在茲垂鴻佑兮累洽
重熙送神樂奏蔚平之章曰雲駉駕兮風旗招神之歸兮
大路遙瞻翠葆兮企丹霄願廻靈眷兮福我朝奏畢行三
跪肸鬻首禮興平身通贊贊讀祝者捧祝奠帛者捧帛各
供燎所樂奏蔚平之章曰綢繡降兮元氣和神光燭兮梓